



Baaskiil / Lug

Waddooyin aad u qaabeysan oo u gaar baaskiilada ayaa Gobolka Basel-Stadt waditaanka Baaskiilk ka dhigaayo mid aad u fiican. Shaqaale badan ayaa ku tago goobahooda shaqada Baaskiil. Dadka lugta kusocda iyo kuwa luga baxsanaya waxaa iyana sidoo kale loo sameeyay goobo u gaar ah oo ay kusocon karaan.

Kusocoshada Lug ama Baaskiil

Basel-Stadt isticmaalka lugta iyo baaskiilada waa mid xiiso leh inta badana aamin ah. Masaafoyinka gaaban dad badan oo baabuur leh ayaan u isticmaalin gaari. Meelo badan oo waxaa jiro calaamadaha baaskiilk iyo wadooyinka baaskilk leh. Dadka lugeynayaayo meelaha u gaarka dadku inay maraan, iyagaa mar walbo u xaqleه wadada (marka laga reebo wadooyinka samaafaraha leh). Gobolka Basel-Stadt waxay leedahay meelo quruxbadan oo loogu tala galay in lagu socdo ama lagu lugabaxsado marka qofka fasaxa yahay. Goobaha lugta kaliya lagumaro waxaa ku yaalo boorar jaallo ah oo ku tilmaamayo.

Sharchiyada dadka isticmaala Baaskilk

Inaad kusocoto Baaskiil wadanka Swiserlaan uma baahnid Shati gooni ah iyo waliba imtixaan inaad u marto. Dadka Baaskilk waa in ay si guud u ilaaliyaan Sharchiyada Wadooyinka si lamid ah darawaliinta gawaarida. Hadii wadadu leedahay meelo loo gaar yeelay Baaskilk inuu maro ama loo calaamadeyay waa inaad isticmaasha halkaas. Baaskilkku waa inuu ahaadaa mid u qalmo in lagu wado wadooyinka (labo bareeg oo fiican, gambaleel, caakisaadka cagaha hore/dambe iyo halka cagta lasaaro ifiya, Nalalka hore iyo kuwa dambe). Koofida birta ah inaad xirato qasab kuguma ahan inaad xirato marka aad baskiil wadayso laakin waalagu isku dhiirigeliyaa. Dadka isticmaala Baaskilk si kastaba ahaatee waxaa la gudboon inay ku jiraan Ceymiska Magdhowga Gaarka ah maadama laga rabo magdhowga hadii ay dhib u geystaan (Dad ama duunyo).

Barashada Kaxeeynta Baaskiilk

Qofkii doonaya inuu barto sida loo kaxeeyo Baaskiil, wuxuu booqan karaa koors. Koorsoyinka waxaa bixiyo Kooxda Pro Velo. Koorsoojin qaar oo u gaar ah ayaa jiro ajaanibta. Baaskiilo raqiis ah oo lasoo isticmaalay waxaa laga heli karaa Suuqa Celiska Baaskiilada (Velobörsern).



Baaskiilka lala raaco Gaadiidka dadweynaha

Qofkii doonaya inuu Tareen ama Bas la raaco Baaskil wuxuu u baahanyahay Tikit gaar ah. Macquul ma ahan marwalba iyo meel walba inaad la raacdo Baaskiil. Mararka qaar tareenada waa inaad sii carbuunataa.

Macluumaad dheeraad ah ([linkiyo](#), [cinwaano](#), [waraaqaha](#) [macluumaadka](#), [buug-yaraha](#))

www.hallo-baselstadt.ch/so/mobilitaet/fahrrad--zu-fuss